



## Universitätsbibliothek Paderborn

**De Breviario Concionatorio, Strenæ, Fidelis Prophetissa  
Concionibus de B. M. Virgine serviens, Conciones  
Occurrentes & Funebres**

**Tylkowski, Wojciech**

**Oliva, 1686**

I. Sancti universi Beatam dicunt; quia illis omnibus excelsior.

[urn:nbn:de:hbz:466:1-51821](#)

Propter quod Leo I<sup>mp</sup>: orat. de Assumpt. sic Virginem allocutus. Ave Volumen commodissimum, in quo Verbum Dei scriptis mandatum est, per quod graviter servitus jugo oppressi in perpetuam libertatem vindicati sumus. Hinc eam Iacobus contempl. de B. V. cap. 4. vocat Libertatem à Deo adificatam Creaturæ inferiori. S. Ildefons lib. de B. V. cap. ult. Libertatis nostræ nobilissimum titulum.

## C A P V T VI.

### Beatam dicit Virginem omnis generatio Sanctorum in particulari.

#### I. Sancti universim Beatam dicunt.

Quia illis omnibus excelsior.

**S**ed ut docet S. Athanas. serm. in Evangel. Spiritus S. in Virginem descendit in omnibus virtutibus essentialibus, induens eam gratiam, ut in omnibus gratis sita esset. Juxta Gregor. in 1. Reg. Altitudo Mariae super omnes Sanctos refutatur. Ex Ildefonso concluditur serm. 2. de Assumpt. B. V. Sicut est incomparabile quod genitum & ineffabile quod peperit, ita est incomprehensibile præmium gloriae, quod meruit. Unde Andr. Cret. affirmat orat. de Assumpt. Excepto Deo solo est omnibus altior. Eadem sermè verba habet Epiphanius, orat. de laud. B. V. Solo Deo excepto cunctis superior existit. Quae explicare videtur Laur. Justinian. serm. 2. de Nativit. Virg. Nullus mortalium quamvis donorum coelestium numerositate sit prædictus Virgo valet cœquari. Patriarcharum utique Prophetarum, Apostolorum, Martyrum, omnis umque Sanctorum merita B. Virgo transcendit. Nam juxta Damase. serm. de Nativit. B. V. Totius Divinæ gratiae charismate plena fuit.

Demonstrative id deducit S. Bernardinus Art. 2. cap. 8. tom. 1. serm. 61. Secundum Dionysium in Regno cœlorum omnium inferiorum dona in superioribus in tanta excellentia sunt, quod quasi multa est comparatio, nisi sicut est circumferentia ad suum centrum: cum ergo B. V. super omnem ordinem sit, in tantum quod per se faciat ordinem incommunicabilem. Sequitur quod super omnes inferiores ordinem tam Angelorum, quam hominum simul sumptorum, ipsa impropotionaliter (quod nota verbum impropotionaliter) id est quasi sine ulla proportione & comparatione faciat

fuit ad infinitum nulla proportio,) & quidquid est gloriae in omni inferiori glorificata natura tam Angelica quam humana, multo excellentius est in Virgine Matre Dei, nec dubium hoc reddit omnium beatorum aliorum multitudo numerosa, & magna, quia hic nihil facit ad rem majoritas gloriae essentialis, seu substantialis, nam in spiritibus id est majus, quod melius reputatur, unde plus de substantiali gloria est in Seraphino unico, quam in reliquis omnibus eò inferioribus.

Hanc improportionalitatem plane eodem sensu ac superius notavimus *S. Damasc. orat. de dormit. Virg.* innuit. Dei Matris & Servorum Dei est infinitum discrimen. Et *orat. 2. de Assumpt.* Solo Deo excepto cunctis superior existis. *Damasc. serm. de Nativit. B. V.* Quidquid majus est, minus Virgine, solumque Opificem istud opus supergreditur. *Et rufus.* Inter animas Sanctorum, & Angelorum choros supereminens, & erecta, merita singulorum & omnium titulos antecedit. Et ibidem docet Virginem ita ceteros Sanctos superare gratiam, ut sol cetera astra splendore, in modo plus in illa inaccessibili luce perlucens, (Virgo in Deo) sic utrorumque spirituum hebetat dignitatem, ut sint quasi non sint, & comparatione illius, nec possint, nec debeant apparere. *Bonav. opusc. de laud. Virg. cap. 6.* Tanta intundatio gratiae, tanta profunditas & magnitudo fuit in Maria, ut ipsa bene mare plenum dici possit, iuxta illud *I. Paralip. 16.* Tonet mare & plenitudo ejus. Sicut in mari aquarum, sic in Maria sunt congregations gratiarum. Unde Scriptum est Gen. 1. Congregationes aquarum appellavit Maria. Dicitur quoque Eccles. 1. Omnia flumina intrant in mare, omnia flumina sunt omnia gratiarum dona, qua intraverunt in Mariam, iuxta illud Sapientis Eccles. 24. In me omnis gratia via & veritatis.

Quam plenum sit hoc mare, quam illud gratiae plenitudine redundet Presbyter & Doctor Ecclesiae docebit nos *S. Hieron.* explicans illud Eccles. 14. In plenitudine sanctorum detentio mea. Ubi ait. Ideo in plenitudine sanctorum detentio Marie fuit, quia in mirifica perfectione sua plenitudo perfectionis omnium Sanctorum illi non defuit. Et *Andr. Cret. orat. de dormit. B. V.* ubi sic eam invocat. O Sancta & Sanctissima Sanctior! & omissis Sanctitatis Sanctissime Theslaure. Et *Dionys. Caribus. lib. de laud. Virg.* Sanctitate Virginis major esse non potest, non quia Deus absoluta suâ potentia ampliorem nedum Virginis, sed alijs quoque praestare possit: sed nec decet nec utilis, si ulcerius. Marie sanctitas quodammodo infinita est. *Guillelm. Paris.* alias ab Episc. in Rosario. Si gratiae omnium Sanctorum Patriarcharum, Apostolorum, Martyrum, Confessorum, Virginum, & omnium Electorum, etiam comprehensis novem Ordinibus Angelorum ponerentur in una statera, & sola gratia hujus Virginis in alia, multo gravior appareret. Et *S. Thomas Cantuar.* ex reveli accepta loquitur apud Maurit. de vita Deip: Majorem gloriam habet ipsa sola, quam omnes simul Angeli, & Sancti. Et *Ecclesia Roniana* id illi appropriat ex Proverb. 31. Multae filiae congregaverunt divitias,

*divitias, tu supergressa es universas. Quia ut Chrysip. Jeros. serm. de S. Maria. Gratia plena es, quia tecum est universus gratiae thesaurus.*

*Albert. Magnus in Bibliis Mar. ex cantic. quasi dictis rationem subiungit. Ex partibus dantis est diversitas donis, quia cum dans det secundum rationem, & ratio recipiat finem, majus donum dat, quod dat ad maiorem finem, ut Imperator majus dat donum ad esseendam senatorem, quam cui dat ad esseendum simplicem servitorem, sed dabatur Mariæ gratia ad esseendum Matrem Dei, & omnibus alijs dabatur ad esseendum servos & ancillas Dei: sicut ergo improportionabiliter majus est esse Matrem Dei, quam esse servum Dei, ita improportionabiliter erit majus dominum ad esseendum Matrem Dei, quam ad esseendum servum Dei, & ex hoc patet quod major gratia intelligi non potest, nec puræ creaturæ participari, quam esse Matrem Dei per naturam. Idem lib. de laudib. V. cap. 69. 71. & 76. tradit hanc regulam pro formandis de Virginis celsitudine discursibus. Dubium non est quin Maria tribui conveniat quidquid boni pura quævis creatura vel fecerit vel receperit.*

*S. Ephrem serm. i. de laudib. B. Virg. Inviolata, integra, planeque pura ac casta Virgo Dei Genitrix Maria, Regina omnium, Spes desperantium, Domina nostra gloriosissima, eademque optima, ac præcellentissima, sublimior Cælitibus, candidior solis radijs, atque fulgoribus, honorior Cherubim, & multis oculis claris spiritibus perspicacior, sanctior Seraphim, & incomparabiliter omnibus supernis exercitibus gloriostior.*

*Enumerat septem præcellentias Ambros. Spira Tarvissius in suo Quadrag. serm. 4. sabbato post feriam 4. Cinerum, quibus B.V. cæteros antecessit, scilicet: pretiola naturali conditione, summâ luciditate, summa illuminatione, singulari directione, stupenda unione, firma duratione & supremâ collocatione. Pelbartus vero in Stellaris lib. i. p. 1. Supra verba. Fecit mihi &c. ait. In his Mariam celsiorem Sanctis esse.*

*1. In æternali præelectione. 2. In singulari sanctificatione. 3. In naturali perfectione. 4. In incontaminabili purificatione. 5. In Virginali fæcunditate. 6. In Divinali inhabitatione. 7. In mentali illustratione. 8. In Maternali dignificatione. 9. In hujus mundi salvatione. 10. In omnis doni exuberatione. 11. In supereminenti exaltatione. 12. In universalis veneratione.*

*Thom. de Kemp. ad Novit. 12. ita stellæ explicat. 12. stellæ sunt n. prærogativæ regnantis ejus claritatis, quas habet respectu omnium aliorum Civium supernorum. Respectu enim Ecclesiæ militantis, habet 4. specialia superlucentia dona misericordiaæ operibus plena, quia præ cæteris omnibus exaudit benignius, condescendit humilius, agit virtuosius, succurrat frequenter, sicut experientia docet in arduis Ecclesiæ causis. Item respectu Ecclesiæ triumphantis, habet illa*

*4. eminen-*

4. eminentes prærogativas, quia cæteris omnibus collocatur in cœlis altius, resplendet lucidius, amatur ferventius, honoratur amplius, sicut dignum est sentire de ejus gloriolis meritis. Item respectu Summae Trinitatis beatificantis habet 4. similiter prærogativas sive stellas cunctis sideribus clariores, quia præ cæteris omnibus æternæ Trinitatis gloriam contemplantibus ipsam Sanctam Trinitatem inuenitur limpidius, afficitur erga illam lucidius, contemplatur intimiùs; & fruietur illa super omnes in cœlo felicius, de quibus nemo dubitare debet amplius.

*Petrus Cesspicius in Triumpho B.V. die 8. hæc privilegia specialia ponit.*

1. Quod sit Mater Dei.
2. Quod nullam unquam malam inclinationem fenserit.
3. Toto vite tempore nuncquam peccavit.
4. Conceptus è Spiritu S.
5. Peperit absq; dolore, & læsione Virginitatis.
6. In cœlum cum corpore assumpta.
7. Ad dextram Filij sedet.
8. Alexius de Salo lib. Methodi admirabilis amandi, has numerat excellentias.
1. Est æterna prædestinatio.
2. Sinè macula conceptio.
3. Puritas Virginis.
4. Maternitas Dei.
5. Obumbratio Spiritus S.
6. Plenitudo gratiæ.
7. Secretarius Summi Monarchæ.
8. Contemplatio continua.
9. Exaltatio super omnes creatureas.
10. Imperium in totum universum.
11. Mediatrixis officium.
12. Omnibus veneratio.

## 2. Angeli Beatae dicunt.

**Quia Virgo illorum est venerationis objectum,**

*Richard. à S. Laur. lib. 1. cap. 2.* Ter ad minus in Canticis in persona Angelorum queritur: Quæ est ista? non tantum quia personæ mirantur excellentiam, sed forsitan quia dulce sibi nomen desiderant responderi: sicut enim antiquis Patribus, Iaia, & cæteris nomen Domini in desiderio erat, ut scilicet inter homines nominaretur Christus, ut qui totus erat in cœlo, effunderetur in terram, sic Angeli nomen Mariæ desiderabant nominari, & in notitiam effundi, ut non intra terræ terminos clauderetur, sed etiam celebre haberetur in cœlis. *Cant. 3.* Quæ est ista quæ scandit per desertum sicut virgula fumi ex aromatibus myrræ & thuris? Quod etiam ex eo procedere potest. Quia ut S. Anselm. serm. de Concept. In æternitate consilij statuit Deus Mariam Dominatricem & Reginam fore Angelorum. *B. Laur. Justin. ser. de Annunc.* Gabrielem nunciarem defribens ait. Gratiae plenitudinem in Maria Coelestis Nuntius cognoscens, salutat illam tanquam sibi Dominam, honoreque dignissimam. *S. Bonav. in 3. distinct. 9. art. 1. q. 3. in cap.* Quoniam excellentissimum habet nomen, ita quod excellentius puræ creaturæ convenire non potest, non solùm viatores, sed etiam comprehensores, non solùm homines verum etiam Angeli eam quadam prærogativa speciali reverentur. Imò juxta Damian. serm. de Assumpt. Sicut sol solus orbem illuminat, sic hæc sola solidiori lumine Angelos illustrat. *Bernardin. tom. 1. conc. 5. cap. 6.* Electa est ut sol ad irradiandam totam multitudinem Spirituum Beatorum.

Præ-